



En domënia, ai 27.10.2019 complësc **Franz Pedratscher** da Pedraces **93** agn. Le Senioreclub y düta la comunité ti aoda düd le bun, sanité y benedisciun de Dî.

**L'Uniun Seniores San Martin de Tor y Antermëia** organisëia n referat cun don Paolo Renner dal titul "*Suggerimenti per un animo giovane!*" ai 23 de otober dales 15.00 tl Salf di stödafüch a San Martin de Tor. Dedô picia marëna adöm. Düc, berbesc y jogh é dër bel inviá.

**Le Salf protezioné La Spona** a Pidrô chir restli de ciandëres o cëra por fá de vigni sort de patüc para. Chi che ess val' pó le dé jö a La Spona dal lönesc ala jöbia dales 8.00 ales 15.00 y le vëndres fina misdé. I chirissun ince na mascin da cují che funzionëia ciamó bun. Dër bel dilan bele danperfora.

**Ciasa de Palsa - Concursc publics d'ejams por chisc posc:**


infermiere/a profesional/a, operadú/dëssa - sozio/assistenzial, operadú/dëssa - sozio/sanitar. Les domandes é da dé jö anter le 15 de novëmber. Por informaziuns plö avisa cherdede i ofizi dla Ciasa de Palsa al nr. 0474/524786.

**Le Sorvisc ai Jogh** inviëia al'edema de formaziun tl SaJ.un a La Ila:

Lönesc, 21.10. - 19.30: referat: Achtsamkeit in der Familie .....,  
Mertesc, 22.10. - 19.30: referat: Ernährung und Gefahren von Diäten;  
Mercui, 23.10. - 19.30: referat: Kinder stärken - Sucht vorbeugen;  
Jöbia, 24.10. - 19.30: Sëra cun le psicolog dl sport dr. Markus Gröber y atri;  
Vëndres, 25.10. - 20.00: Presentaziun dl liber " Kleinstadtidyll" tla biblioteca;  
Sabeda, 26.10. - 18.00: Carmen Valentin cunta de súa esperiënza tl'Australia

**Cursc de ingleje:** le KVV de Badia organisëia danü dui cursc de ingleje por progredis y por chi che sá bel n püch. Ai mët man ai 5 de novëmber te biblioteca a Pedraces. Por informaziuns y prenotaziuns cherdede Cristina al nr. 333 1591599.

**La biblioteca Sas dla Crusc a La Ila** inviëia al de dles biblioteches en vëndres ai 25 de otober dales 20:00 ala presentaziun dl liber "*Kleinstadtidyll*" de Horst Moser cun acompagnamënt musical y la sabeda ai 26 de otober dales 15:00 éle Daniela Hofer che cunta por mituns la Musikgeschichte "*Der Elefant*".



# Plata dla Ploania Badia


San Iaco - San Linert

Ploan: Siur Iaco Wendelin Willeit  
Cell. 347 909 4532

Calonia Badia: 0471/839571

E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „C“ 20.10. – 27.10.2019 29° Domënia dl Ann n. 47



## DAURÍ EDLI Y CÖR ALA FEDE



EDEMA DLA FEDE DAI 19 AI 26 D'OTTOBER 2019

**Vangelo della prossima domenica - 30° dell'Anno „C“**

Luc 18, 9-14

In quel tempo, Gesù disse ancora questa parabola per alcuni che avevano l'intima presunzione di essere giusti e disprezzavano gli altri: «Due uomini salirono al tempio a pregare: uno era fariseo e l'altro pubblicano. Il fariseo, stando in piedi, pregava così tra sé: "O Dio, ti ringrazio perché non sono come gli altri uomini, ladri, ingiusti, adùteri, e neppure come questo pubblicano. Digiuno due volte alla settimana e pago le decime di tutto quello che possiedo". Il pubblicano invece, fermatosi a distanza, non osava nemmeno alzare gli occhi al cielo, ma si batteva il petto dicendo: "O Dio, abbi pietà di me peccatore". Io vi dico: questi, a differenza dell'altro, tornò a casa sua giustificato, perché chiunque si esalta sarà umiliato, chi invece si umilia sarà esaltato».

# FUNZIUNS SACRES

## 20.10. 29<sup>a</sup> DOMÈNIA dl Ann C – Domènia dles Misciuns

### *Festa di iubilars de matrimone*

- 10.00 **Mëssa dla Comunité por l'Edema dla Fede**  
†ti Pasquale y Marta Pitscheider  
†ta suor Jolanda Valentin *oferta por les Misciuns*
- 18.00 †ta Claudia Alfarei - otavare  
†ti Clara y Pire Pescoller - aniversar  
†ta Angela Valentini de Pic'Tita  
†to Michele Crepaz • *cianta le cor Kerygma* •

22.10. Mertesc - *Mëssa cun le Senioreclub*  
**14.00** †ta Paola Frena Pitscheider / por les püres animes

23.10. Mercui - *Mëssa cun i scolars dla elementara*  
07.30 †to Georg Schmid  
por fam. Carlo y Irma Tasser en reng. a S. Maria  
por les animes dl purgatore

24.10. Jöbia - *Mëssa cun i crejimá y studënc*  
19.30 †ta Lidia Dapunt / †to Angel Pitscheider da Ruac  
por fam. Davide y Tarina Campeï en reng. Angeli Custodi

25.10. Vëndres  
07.30 †ti Rottonara y Michaeler  
†ti Rosina y Florino Tavella  
por fam. Iaco y Giuvana Clement

16.30 OIES: Confesciuns cun siur Franz Sottara  
**19.30** **Ora de adoraziun por l'edema dla fede**

26.10. Sabeda  
14.30 Prozesclun a Oies cun düc i pelegrins dla Diozeja  
16.00 a Oies: Mëssa y Festa dla Fede cun nosc Vësko


## 27.10. 30<sup>a</sup> DOMÈNIA dl Ann C

- 09.30 *Corona por la defunta Claudia Alfarei*
- 10.00 **Mëssa Grana**  
†ta Claudia Alfarei • *orar da d'invern* •  
†ti Giovanni y Tino Dapunt  
†to Emilio Costisella y familia  
vis y †ti de Carlo y Malia Irsara
- 18.00 †ti Zisca y Vijo Canins  
†to Lois Castlunger


# Dala VITA dla CÛRA

## Edema dla Fede dai 19 ai 26 de otober Pelegrinaje diozejan a Oies ai 26 de otober

L'Ofize miscionar de Balsan - Porsenú, sö invit dl Papa "**Battezzati e inviati: la Chiesa di Cristo in missione nel mondo**" á organisé n pelegrinaje diozejan a Oies en sabeda ai 26 de otober. Düc i pelegrins piará ia adüm dala dljia de S. Linert dales 14:30 y i jogh dl SKJ fajará na meditaziun sön le tru dla Via Crucis. A Oies sarál spo dales 16:00 na mëssa cun le Vësko abelida dal Cor Kyrios. I pelegrins de vigni paisc portará sö n pü' de tera y ega che gnará portá sön alté dal Ofertore. Al gnará ince presenté le proiet "**Oies, oasi di spiritualità missionaria**". Düc é dër bel inviá.



En sabeda, ai 12.10.2019 a Cormons se á uní tl Sacramënt dl MATRIMONE Manfred Castlunger cun Francesca Sirk. Düta la comunité ti aoda tröpa ligrëza y benedisciun sön so tru deboriada.



Tolun pert al dolor di familiars dla defunta Claudia Alfarei che t'ete de 46 agn é gnüda cherdada ai 12.10.2019 dal Signur te so rëgn. Che ala paises tla pesc eterna.

**Senioreclub:** l'incuntada preodüda l'ultima edema é gnüda spostada a chësc mertesc, 22 de otober dales 14:00 cun na santa Mëssa te dljia. Dedô él spo na picera marëna ia dal Ustí.



## **Gemeinsam verbunden, gehalten von Gott.**

*A düc i iubilars de matrimone les mius audanzes y  
che la benedisciun de Dî vëgnes jö sön os.*